

20 IANUARIE
RUGACIUNEA 1
SF. CUVIOS
LAVRENTIE PROSCURA
DE LA CERNIGOV

Молитва

О всечестный и преблаженный отче наш Лаврентие, священная главо, велий и предивный чудотворче, Православныя веры ревнителю и учителю, ересей обличителю, Церкве поборниче, от юности твоея путем Креста шествовати возлюбил еси, в молитвах и трудех, пощениих, бдении и безмолвии подвижаяся, верный образ иноком быв: всего себе в жертву живу, святу и благоугодну Ему принес, толиких дарований от Бога сподобився, о Церкви Православней и Святей Руси во благое приизирати и помышляти. Егда же по кончине твоей святая Троице-Ильинская обитель врагов безбожных злодействием разорению, осквернению и запустению предана бысть, ты велие дерзновение Царю Небесному имея, паки ходатайством Богоматери и твоим возобновися, еще же и мощи твоя святыя и честныя

положиша. Тем же и мы, с верою приходяще священной раце чудотворных и многоцелебных мощей твоих, любезно целуем и молим тя, наш пастырю добрый и ходатаю, не престай моляся ко Господу Богу нашему, да погасит вся ереси и расколы бываемыя от злокозненного супостата нашего спасения, правоверныя утверждая во благочестии и чистоте, роса благодати твоя да умертвит пламень страстей наших, да укрепит и препояшет ны силою свыше на антихриста и вся полчища его, на видимыя и невидимыя враги наша, бесы отгоняя, болезней душевных и телесных избавляя и от всех зол сохраняя: паче же да укрепит и возвысит благословенное царство Святыя Руси, благоверно и благочестно его утверждая, истиною и правдою сие устрояя, изобилием благ и славою венчая, миром же и благостоянием ограждая, да мы вси, мирно, тихо и безмятежно пребывающе в любви и единомыслии, прославим Пресвятую Троицу, Единого Бога, Отца и Сына и Святаго Духа, и твое милостивное о нас ходатайство во веки. Аминь.